

neſtere. Ille, vel quod parum in Mantuanum propenſus eſſet, vel quod Sabaudi offenſam vereretur, inanibus verborum ambagibus tempus terere. Neque vero Carolus, ut aliqua ratione, modo ſuo compendio controverſiis finis imponeretur, id abhorrere viſus fuerat, cum inſueto exemplo, atque ab illius animo ſublimi alieno, Victorium Principem Mediolanum miſiſſet; qui cum viginti dierum ſpatium, quo in Hiſpaniam proficiſci, Regemque de rerum ſtatu docere poſſet, petiſſet, neque a Mendozza impetraret, eo adducebatur, ut Princeps puella Mediolanum, quo Taurino mater accederet, mitteretur: ipſe interim gubernator in ſe omnia Allobrogum jura atque oppida controverſa reciperet. Sed Mendozza, ni adempta primum reſtituantur, ſe quidquam acturum negare; Italis Principibus eo facto ſuſpiciones injicere nolle; a Carolo oppidis Mantuano non reſtitutis, quamprimum in aciem egreſſurum, armisque coacturum. Itaque re infecta Princeps in Hiſpaniam citatis itineribus profeſtus eſt, ut, quibus permotus pater Mantuani oppida in ſuam poteſtatem redegiſſet, Philippo exponeret, ſuamque apud avunculum cauſam tueretur.

1613

Victorius
Sabaudia
Princ. in
Hiſpaniam
proficiſci-
tur.

Interea Carolus, cum de Senatus conſulto, quo Cardinali auxilia decreta fuerant, certior eſſet factus, mirum in modum excanduit, acriterque cum Vincentio Guſſonio, Reipublicæ legato, eſt conqueſtus: *Numquam ſibi in animum inducere potuiſſe, Senatum veteri amicitia, benevolentia, officiis cum Allobrogum familia junctum, in cauſa, quæ nihil ad eum pertineat, ſuis hoſtibus favere voluiſſe: non id Patris majorumque in Rempublicam obſervantiam, non vetuſta neceſſitudinis jura, non arduis in rebus difficillimis temporibus navatam Reipublicæ operam promerita. Inde gravius commotus, Injuriam minime inultam paſſurum; tantum ſibi ſpiritus, tantum virium eſſe, ut & ſuis rebus proſpicere, & aliorum repellere contumelias poſſit; neque ſe ulla vi cogi paſſurum: ſi ea mente Senatus ſit, ut Mantuanum juvare, neque conſultum reſcindere velit, jam fruſtra apud ſe legati munere fungi: octo proinde dierum ſpatium largiri, quo tempore de Senatus ſententia certior fiat: gravius ſane in illum ſtatuerre poſſe; attamen ne penitus veteris amicitia obliſcatur, temperare vo-*

Sabaudia
Ducis ob
Venetorum
ad Mantua-
num ſubſi-
dia perzuo-
batio.